

Ulteriuras infuormaziuns davart la
protecziun da l'integrità persunala:
gr-ref.ch/integritaet



Graubünden reformiert
Grischun reformà
Grigioni riformato

MOBING, MOLESTA, ABÜS?

Infuormaziuns per persunas pertoccas

Evangelisch-reformierte Landeskirche Graubünden
Baselgia evangelica reformada dal Grischun
Chiesa evangelica riformata grigionese



CULTURA DAD ESSER ATTENT(A)

Surpassamaints da cunfin (violaziuns da l'integrità persunala) capitin scha'ls cunfins d'ün oter uman nu vegnan respektats, dimpersè surpassats consciantamaing e cun intenziun. Els fan don a la persuna pertocca in üna o tschella maniera. Tals abüs han plüssas fuormas e capitin illas situaziuns las plü differentas.

Exaimpels per quai sun:

- discriminaziun
- mobing
- üsar o imnatschar cun forza
- surmanar in fats religius sainza respettar cunfins
- molestas sexualas

Illa baselgia chantunala evangelica refuormada dal Grischun nu vegnan tolerats da quists surpassamaints da cunfin.

CHE CH'ELLA/EL PO FAR

Sch'Ella/El ha fat l'esperienza d'ün surpassamaint da cunfin in nossa baselgia, in occasiun dad occurrenzas o pro inscuters, nun ha Ella/El d'acceptar quai. Ella/El ha las seguaintas pussibilitats da reagir:

Discuorrer cun üna persuna da fiduzcha

Las persunas da fiduzcha stan a disposiziun per discuors e cussagliaziun. Ils discuors sun confidenzials e gratuits. Las persunas da fiduzcha han l'oblig da taschair e nu dan inavant, sainza Seis acconsentimaint in scrit, ingünas infuormaziuns ad otras persunas. I stan a disposiziun persunas da fiduzcha da la baselgia chantunala sco eir da quellas externas: gr-ref.ch/integritaet.

Annunzchar ün surpassamaint da cunfin

Ella/El po annunzchar ün surpassamaint da cunfin, chi'd es capità, pro las persunas respunsablas da las raspadas o da la baselgia chantunala. La persuna cumpetenta piglia incunter Sia annunzcha o Sia reclamaziun e tilla documentescha. Tuot tenor ils fats ha ella ün dovoir d'intervenziun ed ha da sclerir las circumstanzas o da tillas far sclerir ad üna experta o ad ün expert. La persuna cumpetenta nu po perquai garantir üna confidenza respectiv discreziun absoluta.

Examinar pass giuridics

Tuot tenor il möd e la dimensiun d'ün surpassamaint da cunfin po quist avair consequenzas da dret civil e da dret penal. Ch'Ella/El as lascha cusgliar da la persuna da fiduzcha o da l'agüd da victimas dal Grischun, sch'üna denunzcha penala fa sen e che termins chi valan i'l cas concret.